

ليالي السوق

دخل الدمعتين اللي .. شكت منها جروح الموق
ترفق و ارحمه حalk .. اعرف اشكثر اغليته
دخلتك كفف الدمعه .. غدى منها الحشام حروق
معاناته البشر ماهي .. دموع .. و سيلك اجريته !!
غريبه !! حالة الاصحاب .. ذات سابق و ذات مسبوق
ألمم بينهم عمري .. بقايا انسان انا اشقيته
سنين طوال عشناها .. من العاشق من المعشوق ؟
يململني بهوak العمر ... والى من طاح شليته
رغم ماضي ليالينا ... واسمهk و الهوى و الشوق
أحس اني معك فعلا .. غريب الحب في بيته

على طاري ليالي السوق .. و دمعه حدرت م الموق
ذكرت انك هوی عمر .. يودك يومك اغليته
نشرتني و مانثرتني الا .. مشاعر غربلت مخلوق
وابتشر شي ما شفته .. ! بقلبي بس حسيته
طربت وما طربت الا .. لحرف احتوى كل الذوق
عزيز الحرف لامنه .. تربع في وسط بيته
تروعني دورب البين .. و سكه كلها ابوها بروق
ويسكن خافق حزن .. اذا في يوم اطريته
مشاعر مالها صاحب .. !! و قلب دائم مسروق
و كلن هايم بخله ... و انا بقربه .. ولا اوقيته

فيصل العبدالله

أمطرت فالشارع

المشاعر تبدل مثل بعض الثياب
و الرفيق يتبدل دام (راسه) هفا
و الطريق ان مشيته باتجاه الذهاب
واضح الصدق فيه و ما يهم أن نفا
يالله اني بوجهك من شديد العذاب
عن خطفهم (عفينا) يوم وجهك عفا
ليت لي فالمثابر دعوة تستجاب
وأسألك عن عناي وعن (مرضهم) شفا
والهقاوي تشيب و تو عمرى شباب
يا جروحي تهادي جرح واحد كفا
جعل عمرى طويل و فوق نجم و شهاب
و الله يديم قلبي في امان و دفا
جف حبر المحبه فالورق و الكتاب
وأسود الليل حول فالضلوع و ضفا
رمش عيني يموت و يعشق الانتساب
فوق طرفي و حتى يوم طرفي غفا
مالقيت بعيوني غير دمع السحاب
ينتشر في ضلوعي فوق كلمة (أفا)

عبدالله الذويبيان

أمطرت فالشارع و أرجهن السحاب
و أمطر الدمع فيني لين دمعي ضفا
ما بقالي كلام و ما بقالي عتاب
ما بقا لك بقلبي غير كلمة (أفا)
أمس فكري تشتت بين باب و جواب
يوم وجهي حزين و نور قلبي طفا
شق صدري غيابك يا كثير الغياب
و انت لا جيت صوببي جيت كلي حفا
كنت اظن الكرامه من كريم الجناب
مثل رد الوفا لا جا من اهل الوفا
و اثر مالك مقام و مالقلب حساب
هبت الريح فيك و كل سافي سفا
جندوك (الثعالب) وأخضعوك (الكلاب)
و أكثر الظن بان و كل شي خفا
و أنت راضي و فاتح للزمان الف باب
باب (هذا يروح) و باب (هذا لغا)
لا يقين لبعضكم يالقلوب الهباب
بين (شذاب ساق) وبين (راعي قفا)
لا تظن السلامه و أبعادي أكتئاب
دام عندي مبادي جعل عمرى جفا